

大般若波羅蜜多經卷第七十

洪十

大般若波羅蜜多經卷第七十

洪十

唐三藏法師玄奘奉詔譯

初分無所得品第十八之十

舍利子五眼本性空故若法本性空則不可
施設若生若滅若住若異由此緣故若畢竟

洪十

不生則不名五眼舍利子六神通本性空故
若法本性空則不可施設若生若滅若住若
異由此緣故若畢竟不生則不名六神通舍
利子佛十力本性空故若法本性空則不可
施設若生若滅若住若異由此緣故若畢竟

不生則不名佛十力舍利子四無所畏四無礙解大慈大悲大喜大捨十八佛不共法本性空故若法本性空則不可施設若生若滅若住若異由此緣故若畢竟不生則不名四無所畏乃至十八佛不共法舍利子一切智本性空故若法本性空則不可施設若生若滅若住若異由此緣故若畢竟不生則不名一切智舍利子道相智一切相智本性空故若法本性空則不可施設若生若滅若住若異由此緣故若畢竟不生則不名道相智一

切相智舍利子無忘失法本性空故若法本性空則不可施設若生若滅若住若異由此緣故若畢竟不生則不名無忘失法舍利子恒住捨性本性空故若法本性空則不可施設若生若滅若住若異由此緣故若畢竟不生則不名無忘失法舍利子一切陀羅尼門

本性空故若法本性空則不可施設若生若滅若住若異由此緣故若畢竟不生則不名一切陀羅尼門舍利子一切三摩地門本性空故若法本性空則不可施設若生若滅若

住若異由此緣故若畢竟不生則不名一切
三摩地門舍利子極喜地本性空故若法本
性空則不可施設若生若滅若住若異由此
緣故若畢竟不生則不名極喜地舍利子離
垢地發光地焰慧地極難勝地現前地遠行

洪十

二

地不動地善慧地法雲地本性空故若法本
性空則不可施設若生若滅若住若異由此
緣故若畢竟不生則不名離垢地乃至法雲
地舍利子異生地本性空故若法本性空則
不可施設若生若滅若住若異由此緣故若

畢竟不生則不名異生地舍利子種性地第八地具見地薄地離欲地已辦地獨覺地菩薩地如來地本性空故若法本性空則不可施設若生若滅若住若異由此緣故若畢竟不生則不名種性地乃至如來地舍利子聲聞乘本性空故若法本性空則不可施設若生若滅若住若異由此緣故若畢竟不生則不名聲聞乘舍利子獨覺乘大乘本性空故若法本性空則不可施設若生若滅若住若異由此緣故若畢竟不生則不名獨覺乘大

乘舍利子由此緣故我作是說若畢竟不生
則不名色等空無生法不可說故爾時具壽
善現復荅舍利子言如尊者所云何緣故說
我豈能以畢竟不生般若波羅蜜多教誡教
授畢竟不生諸菩薩摩訶薩者舍利子畢竟

洪十

三

不生即是般若波羅蜜多般若波羅蜜多即
是畢竟不生何以故畢竟不生與般若波羅
蜜多無二無二分故舍利子畢竟不生即是
菩薩摩訶薩菩薩摩訶薩即是畢竟不生何
以故畢竟不生與菩薩摩訶薩無二無二分

故舍利子由此緣故我作是說我豈能以畢竟不生般若波羅蜜多教誡教授畢竟不生諸菩薩摩訶薩爾時具壽善現復答舍利子言如尊者所云何緣故說離畢竟不生亦無菩薩摩訶薩能行無上正等菩提者舍利子諸菩薩摩訶薩修行般若波羅蜜多時不見般若波羅蜜多異畢竟不生亦不見菩薩摩訶薩異畢竟不生何以故若般若波羅蜜多若菩薩摩訶薩與畢竟不生無二無二分故舍利子諸菩薩摩訶薩修行般若波羅蜜多

時亦不見色異畢竟不生亦不見受想行識
異畢竟不生何以故色乃至識與畢竟不生
無二無二分故舍利子諸菩薩摩訶薩修行
般若波羅蜜多時亦不見眼處異畢竟不生
亦不見耳鼻舌身意處異畢竟不生何以故
眼處乃至意處與畢竟不生無二無二分故
舍利子諸菩薩摩訶薩修行般若波羅蜜多
時亦不見色處異畢竟不生亦不見聲香味
觸法處異畢竟不生何以故色處乃至法處
與畢竟不生無二無二分故舍利子諸菩薩

摩訶薩修行般若波羅蜜多時亦不見眼界
異畢竟不生亦不見色界眼識界及眼觸眼
觸爲緣所生諸受異畢竟不生何以故眼界
乃至眼觸爲緣所生諸受與畢竟不生無二
無二分故舍利子諸菩薩摩訶薩修行般若
波羅蜜多時亦不見耳界異畢竟不生亦不
見聲界耳識界及耳觸耳觸爲緣所生諸受
異畢竟不生何以故耳界乃至耳觸爲緣所
生諸受與畢竟不生無二無二分故舍利子
諸菩薩摩訶薩修行般若波羅蜜多時亦不

洪十

四

見鼻界異畢竟不生亦不見香界鼻識界及
鼻觸鼻觸爲緣所生諸受異畢竟不生何以
故鼻界乃至鼻觸爲緣所生諸受與畢竟不
生無二無二分故舍利子諸菩薩摩訶薩修
行般若波羅蜜多時亦不見舌界異畢竟不
生亦不見味界舌識界及舌觸舌觸爲緣所
生諸受異畢竟不生何以故舌界乃至舌觸
爲緣所生諸受與畢竟不生無二無二分故
舍利子諸菩薩摩訶薩修行般若波羅蜜多
時亦不見身界異畢竟不生亦不見觸界身

識界及身觸身觸爲緣所生諸受異畢竟不
生何以故身界乃至身觸爲緣所生諸受與
畢竟不生無二無二分故舍利子諸菩薩摩
訶薩修行般若波羅蜜多時亦不見意境異
畢竟不生亦不見法界意識界及意觸意觸

洪十

五

爲緣所生諸受異畢竟不生何以故意界乃
至意觸爲緣所生諸受與畢竟不生無二無
二分故舍利子諸菩薩摩訶薩修行般若波
羅蜜多時亦不見地界異畢竟不生亦不見
水火風空識界異畢竟不生何以故地界乃

至識界與畢竟不生無二無二分故舍利子
諸菩薩摩訶薩修行般若波羅蜜多時亦不
見苦聖諦異畢竟不生亦不見集滅道聖諦
異畢竟不生何以故苦聖諦乃至道聖諦與
畢竟不生無二無二分故舍利子諸菩薩摩
訶薩修行般若波羅蜜多時亦不見無明異
畢竟不生亦不見行識名色六處觸受愛取
有生老死愁歎苦憂惱異畢竟不生何以故
無明乃至老死愁歎苦憂惱與畢竟不生無
二無二分故舍利子諸菩薩摩訶薩修行般

若波羅蜜多時亦不見內空異畢竟不生亦
不見外空內外空空空大空勝義空有爲空
無爲空畢竟空無際空散空無變異空本性
空自相空共相空一切法空不可得空無性
空自性空無性自性空異畢竟不生何以故
內空乃至無性自性空與畢竟不生無二無
二分故舍利子諸菩薩摩訶薩修行般若波
羅蜜多時亦不見布施波羅蜜多異畢竟不
生亦不見淨戒安忍精進靜慮般若波羅蜜
多異畢竟不生何以故布施乃至般若波羅

蜜多與畢竟不生無二無二分故舍利子諸
菩薩摩訶薩修行般若波羅蜜多時亦不見
四靜慮異畢竟不生亦不見四無量四無色
定異畢竟不生何以故四靜慮四無量四無
色定與畢竟不生無二無二分故舍利子諸

洪十

六

菩薩摩訶薩修行般若波羅蜜多時亦不見
八解脫異畢竟不生亦不見八勝處九次第
定十遍處異畢竟不生何以故八解脫乃至
十遍處與畢竟不生無二無二分故舍利子
諸菩薩摩訶薩修行般若波羅蜜多時亦不

見四念住異畢竟不生亦不見四正斷四神
足五根五力七等覺支八聖道支異畢竟不
生何以故四念住乃至八聖道支與畢竟不
生無二無二分故舍利子諸菩薩摩訶薩修
行般若波羅蜜多時亦不見空解脫門異畢
竟不生亦不見無相無願解脫門異畢竟不
生何以故空解脫門無相無願解脫門與畢
竟不生無二無二分故舍利子諸菩薩摩訶
薩修行般若波羅蜜多時亦不見五眼異畢
竟不生亦不見六神通異畢竟不生何以故

五眼六神通與畢竟不生無二無二分故舍利子諸菩薩摩訶薩修行般若波羅蜜多時亦不見佛十力異畢竟不生亦不見四無所畏四無礙解大慈大悲大喜大捨十八佛不共法異畢竟不生何以故佛十力乃至十八

洪十

七

佛不共法與畢竟不生無二無二分故舍利子諸菩薩摩訶薩修行般若波羅蜜多時亦不見一切智異畢竟不生亦不見道相智一切相智異畢竟不生何以故一切智道相智一切相智與畢竟不生無二無二分故舍利

子諸菩薩摩訶薩修行般若波羅蜜多時亦
不見無忘失法異畢竟不生亦不見恒住捨
性異畢竟不生何以故無忘失法恒住捨性
與畢竟不生無二分故舍利子諸菩薩
摩訶薩修行般若波羅蜜多時亦不見一切
陀羅尼門異畢竟不生亦不見一切三摩地
門異畢竟不生何以故一切陀羅尼門一切
三摩地門與畢竟不生無二分故舍利
子諸菩薩摩訶薩修行般若波羅蜜多時亦
不見極喜地異畢竟不生亦不見離垢地發

光地焰慧地極難勝地現前地遠行地不動地善慧地法雲地異畢竟不生何以故極喜地乃至法雲地與畢竟不生無二無二分故舍利子諸菩薩摩訶薩修行般若波羅蜜多時亦不見異生地異畢竟不生亦不見種性地第八地具見地薄地離欲地已辦地獨覺地菩薩地如來地異畢竟不生何以故異生地乃至如來地與畢竟不生無二無二分故舍利子諸菩薩摩訶薩修行般若波羅蜜多時亦不見聲聞乘異畢竟不生亦不見獨覺

乘大乘異畢竟不生何以故聲聞乘獨覺乘
大乘與畢竟不生無二無二分故舍利子由
此緣故我作是說離畢竟不生亦無菩薩能
行無上正等菩提爾時具壽善現復荅舍利
子言如尊者所云何緣故說若菩薩摩訶薩

洪十

八

聞作是說其心不驚不恐不怖不沈不沒亦
不憂悔當知是菩薩摩訶薩能行般若波羅
蜜多者舍利子諸菩薩摩訶薩修行般若波
羅蜜多時不見諸法有覺有用見一切法如
幻事如夢境如像如響如光影如陽焰如空

華如尋香城如變化事都非實有聞說諸法
本性皆空深心歡喜舍利子由此緣故我作
是說若菩薩摩訶薩聞作是說其心不驚不
恐不怖不沈不沒亦不憂悔當知是菩薩摩
訶薩能行般若波羅蜜多

初分觀行品第十九之一

爾時具壽善現白佛言世尊諸菩薩摩訶薩
修行般若波羅蜜多觀諸法時於色不受不
取不執不著亦不施設爲色於受想行識不
受不取不執不著亦不施設爲受想行識世

尊諸菩薩摩訶薩修行般若波羅蜜多觀諸
法時於眼處不受不取不執不著亦不施設
爲眼處於耳鼻舌身意處不受不取不執不
著亦不施設爲耳鼻舌身意處世尊諸菩薩
摩訶薩修行般若波羅蜜多觀諸法時於色

洪十

九

處不受不取不執不著亦不施設爲色處於
聲香味觸法處不受不取不執不著亦不施
設爲聲香味觸法處世尊諸菩薩摩訶薩修
行般若波羅蜜多觀諸法時於眼界不受不
取不執不著亦不施設爲眼界於色界眼識

界及眼觸眼觸爲緣所生諸受不受不取不
執不著亦不施設爲色界乃至眼觸爲緣所
生諸受世尊諸菩薩摩訶薩修行般若波羅
蜜多觀諸法時於耳界不受不取不執不著
亦不施設爲耳界於聲界耳識界及耳觸耳
觸爲緣所生諸受不受不取不執不著亦不
施設爲聲界乃至耳觸爲緣所生諸受世尊
諸菩薩摩訶薩修行般若波羅蜜多觀諸法
時於鼻界不受不取不執不著亦不施設爲
鼻界於香界鼻識界及鼻觸鼻觸爲緣所生

諸受不受不取不執不著亦不施設爲香界
乃至鼻觸爲緣所生諸受世尊諸菩薩摩訶
薩修行般若波羅蜜多觀諸法時於舌界不
受不取不執不著亦不施設爲舌界於味界
舌識界及舌觸爲緣所生諸受不受不
取不執不著亦不施設爲味界乃至舌觸爲
緣所生諸受世尊諸菩薩摩訶薩修行般若
波羅蜜多觀諸法時於身界不受不取不執
不著亦不施設爲身界於觸界身識界及身
觸身觸爲緣所生諸受不受不取不執不著

亦不施設爲觸界乃至身觸爲緣所生諸受
世尊諸菩薩摩訶薩修行般若波羅蜜多觀
諸法時於眼界不受不取不執不著亦不施
設爲眼界於法界意識界及意觸意觸爲緣
所生諸受不受不取不執不著亦不施設爲

洪十

十

法界乃至意觸爲緣所生諸受世尊諸菩薩
摩訶薩修行般若波羅蜜多觀諸法時於地
界不受不取不執不著亦不施設爲地界於
水火風空識界不受不取不執不著亦不施
設爲水火風空識界世尊諸菩薩摩訶薩修

行般若波羅蜜多觀諸法時於苦聖諦不受
不取不執不著亦不施設爲苦聖諦於集滅
道聖諦不受不取不執不著亦不施設爲集
滅道聖諦世尊諸菩薩摩訶薩修行般若波
羅蜜多觀諸法時於無明不受不取不執不
著亦不施設爲無明於行識名色六處觸受
愛取有生老死愁歎苦憂惱不受不取不執
不著亦不施設爲行乃至老死愁歎苦憂惱
世尊諸菩薩摩訶薩修行般若波羅蜜多觀
諸法時於內空不受不取不執不著亦不施

設爲內空於外空內外空空空大空勝義空
有爲空無爲空畢竟空無際空散空無變異
空本性空自相空共相空一切法空不可得
空無性空自性空無性自性空不受不取不
執不著亦不施設爲外空乃至無性自性空

洪十

十一

世尊諸菩薩摩訶薩修行般若波羅蜜多觀
諸法時於布施波羅蜜多不受不取不執不
著亦不施設爲布施波羅蜜多於淨戒安忍
精進靜慮般若波羅蜜多不受不取不執不
著亦不施設爲淨戒安忍精進靜慮般若波

羅蜜多世尊諸菩薩摩訶薩修行般若波羅
蜜多觀諸法時於四靜慮不受不取不執不
著亦不施設爲四靜慮於四無量四無色定
不受不取不執不著亦不施設爲四無量四
無色定世尊諸菩薩摩訶薩修行般若波羅
蜜多觀諸法時於八解脫不受不取不執不
著亦不施設爲八解脫於八勝處九次第定
十遍處不受不取不執不著亦不施設爲八
勝處九次第定十遍處世尊諸菩薩摩訶薩
修行般若波羅蜜多觀諸法時於四念住不

受不取不執不著亦不施設爲四念住於四
正斷四神足五根五力七等覺支八聖道支
不受不取不執不著亦不施設爲四正斷乃
至八聖道支世尊諸菩薩摩訶薩修行般若
波羅蜜多觀諸法時於空解脫門不受不取
不執不著亦不施設爲空解脫門於無相無
願解脫門不受不取不執不著亦不施設爲
無相無願解脫門世尊諸菩薩摩訶薩修行
般若波羅蜜多觀諸法時於五眼不受不取
不執不著亦不施設爲五眼於六神通不受

不取不執不著亦不施設爲六神通世尊諸
菩薩摩訶薩修行般若波羅蜜多觀諸法時
於佛十力不受不取不執不著亦不施設爲
佛十力於四無所畏四無礙解大慈大悲大
喜大捨十八佛不共法不受不取不執不著

洪十

十二

亦不施設爲四無所畏乃至十八佛不共法

世尊諸菩薩摩訶薩修行般若波羅蜜多觀
諸法時於真如不受不取不執不著亦不施
設爲真如於法界法性不虛妄性不變異性
平等性離生性法定法住實際虛空界不思

議界不受不取不執不著亦不施設爲法界
乃至不思議界世尊諸菩薩摩訶薩修行般
若波羅蜜多觀諸法時於無上正等菩提不
受不取不執不著亦不施設爲無上正等菩
提於一切智道相智一切相智不受不取不
執不著亦不施設爲一切智道相智一切相
智世尊諸菩薩摩訶薩修行般若波羅蜜多
觀諸法時於無忘失法不受不取不執不著
亦不施設爲無忘失法於恒住捨性不受不
取不執不著亦不施設爲恒住捨性世尊諸

菩薩摩訶薩修行般若波羅蜜多觀諸法時
於一切陀羅尼門不受不取不執不著亦不
施設爲一切陀羅尼門於一切三摩地門不
受不取不執不著亦不施設爲一切三摩地
門世尊諸菩薩摩訶薩修行般若波羅蜜多

洪十

十三

時不見色何以故以色性空無生滅故不見
受想行識何以故以受想行識性空無生滅
故世尊諸菩薩摩訶薩修行般若波羅蜜多
時不見眼處何以故以眼處性空無生滅故
不見耳鼻舌身意處何以故以耳鼻舌身意

處性空無生滅故世尊諸菩薩摩訶薩修行
般若波羅蜜多時不見色處何以故以色處
性空無生滅故不見聲香味觸法處何以故
以聲香味觸法處性空無生滅故世尊諸菩
薩摩訶薩修行般若波羅蜜多時不見眼界
何以故以眼界性空無生滅故不見色界眼
識界及眼觸眼觸爲緣所生諸受何以故以
色界乃至眼觸爲緣所生諸受性空無生滅
故世尊諸菩薩摩訶薩修行般若波羅蜜多
時不見耳界何以故以耳界性空無生滅故

不見聲界耳識界及耳觸耳觸為緣所生諸受何以故以聲界乃至耳觸為緣所生諸受性空無生滅故世尊諸菩薩摩訶薩修行般若波羅蜜多時不見鼻界何以故以鼻界性空無生滅故不見香界鼻識界及鼻觸鼻觸為緣所生諸受何以故以香界乃至鼻觸為緣所生諸受性空無生滅故世尊諸菩薩摩訶薩修行般若波羅蜜多時不見舌界何以故以舌界性空無生滅故不見味界舌識界及舌觸舌觸為緣所生諸受何以故以味界

乃至舌觸為緣所生諸受性空無生滅故世
尊諸菩薩摩訶薩修行般若波羅蜜多時不
見身界何以故以身界性空無生滅故不見
觸界身識界及身觸身觸為緣所生諸受何
以故以觸界乃至身觸為緣所生諸受性空

洪十

十四

無生滅故世尊諸菩薩摩訶薩修行般若波
羅蜜多時不見意界何以故以意界性空無
生滅故不見法界意識界及意觸意觸為緣
所生諸受何以故以法界乃至意觸為緣所
生諸受性空無生滅故世尊諸菩薩摩訶薩

修行般若波羅蜜多時不見地界何以故以
地界性空無生滅故不見水火風空識界何
以故以水火風空識界性空無生滅故世尊
諸菩薩摩訶薩修行般若波羅蜜多時不見
苦聖諦何以故以苦聖諦性空無生滅故不
見集滅道聖諦何以故以集滅聖道諦性空
無生滅故世尊諸菩薩摩訶薩修行般若波
羅蜜多時不見無明何以故以無明性空無
生滅故不見行識名色六處觸受愛取有生
老死愁歎苦憂惱何以故以行乃至老死愁

歎苦憂惱性空無生滅故世尊諸菩薩摩訶
薩修行般若波羅蜜多時不見內空何以故
以內空性空無生滅故不見外空內外空空
空大空勝義空有爲空無爲空畢竟空無際
空散空無變異空本性空自相空共相空一

洪十

十五

切法空不可得空無性空自性空無性自性
空何以故以外空乃至無性自性空性空無
生滅故世尊諸菩薩摩訶薩修行般若波羅
蜜多時不見布施波羅蜜多何以故以布施
波羅蜜多性空無生滅故不見淨戒安忍精

進靜慮般若波羅蜜多何以故以淨戒安忍
精進靜慮般若波羅蜜多性空無生滅故世
尊諸菩薩摩訶薩修行般若波羅蜜多時不
見四靜慮何以故以四靜慮性空無生滅故
不見四無量四無色定何以故以四無量四
無色定性空無生滅故世尊諸菩薩摩訶薩
修行般若波羅蜜多時不見八解脫何以故
以八解脫性空無生滅故不見八勝處九次
第定十遍處何以故以八勝處九次第定十
遍處性空無生滅故世尊諸菩薩摩訶薩修

行般若波羅蜜多時不見四念住何以故以
四念住性空無生滅故不見四正斷四神足
五根五力七等覺支八聖道支何以故以四
正斷乃至八聖道支性空無生滅故世尊諸
菩薩摩訶薩修行般若波羅蜜多時不見空
解脫門何以故以空解脫門性空無生滅故
不見無相無願解脫門何以故以無相無願
解脫門性空無生滅故世尊諸菩薩摩訶薩
修行般若波羅蜜多時不見五眼何以故以
五眼性空無生滅故不見六神通何以故以

六神通性空無生滅故世尊諸菩薩摩訶薩
修行般若波羅蜜多時不見佛十力何以故
以佛十力性空無生滅故不見四無所畏四
無礙解大慈大悲大喜大捨十八佛不共法
何以故以四無所畏乃至十八佛不共法性

洪十

十六

空無生滅故世尊諸菩薩摩訶薩修行般若
波羅蜜多時不見真如何以故以真如性空
無生滅故不見法界法性不虛妄性不變異
性平等性離生性法定法住實際虛空界不
思議界何以故以法界乃至不思議界性空

無生滅故世尊諸菩薩摩訶薩修行般若波
羅蜜多時不見無上正等菩提何以故以無
上正等菩提性空無生滅故不見一切智道
相智一切相智何以故以一切智道相智一
切相智性空無生滅故世尊諸菩薩摩訶薩
修行般若波羅蜜多時不見無忘失法何以
故以無忘失法性空無生滅故不見恒住捨
性何以故以恒住捨性性空無生滅故世尊
諸菩薩摩訶薩修行般若波羅蜜多時不見
一切陀羅尼門何以故以一切陀羅尼門性

空無生滅故不見一切三摩地門何以故以
一切三摩地門性空無生滅故世尊色不生
則非色受想行識不生則非受想行識所以
者何色與不生無二無二分受想行識與不
生無二無二分何以故以不生法非一非二

洪十

十七

非多非異是故色不生則非色受想行識不
生則非受想行識世尊眼處不生則非眼處
耳鼻舌身意處不生則非耳鼻舌身意處所
以者何眼處與不生無二無二分耳鼻舌身
意處與不生無二無二分何以故以不生法

非一非二非多非異是故眼處不生則非眼
處耳鼻舌身意處不生則非耳鼻舌身意處
世尊色處不生則非色處聲香味觸法處不
生則非聲香味觸法處所以者何色處與不
生無二無二分聲香味觸法處與不生無二
無二分何以故以不生法非一非二非多非
異是故色處不生則非色處聲香味觸法處
不生則非聲香味觸法處世尊眼界不生則
非眼界色界眼識界及眼觸眼觸為緣所生
諸受不生則非色界乃至眼觸為緣所生諸

受所以者何眼界與不生無二無二分色界
乃至眼觸為緣所生諸受與不生無二無二
分何以故以不生法非一非二非多非異是
故眼界不生則非眼界色界乃至眼觸為緣
所生諸受不生則非色界乃至眼觸為緣所
生諸受世尊眼界不生則非耳界聲界耳識
界及耳觸耳觸為緣所生諸受不生則非聲
界乃至耳觸為緣所生諸受所以者何耳界
與不生無二無二分聲界乃至耳觸為緣所
生諸受與不生無二無二分何以故以不生

法非一非二非多非異是故耳界不生則非
耳界聲界乃至耳觸為緣所生諸受不生則
非聲界乃至耳觸為緣所生諸受世尊鼻界
不生則非鼻界香界鼻識界及鼻觸鼻觸為
緣所生諸受不生則非香界乃至鼻觸為緣

洪十

十八

所生諸受所以者何鼻界與不生無二無二
分香界乃至鼻觸為緣所生諸受與不生無
二無二分何以故以不生法非一非二非多
非異是故鼻界不生則非鼻界香界乃至鼻
觸為緣所生諸受不生則非香界乃至鼻觸

爲緣所生諸受世尊舌界不生則非舌界味
界舌識界及舌觸舌觸爲緣所生諸受不生
則非味界乃至舌觸爲緣所生諸受所以者
何舌界與不生無二分味界乃至舌觸
爲緣所生諸受與不生無二分何以故
以不生法非一非二非多非異是故舌界不
生則非舌界味界乃至舌觸爲緣所生諸受
不生則非味界乃至舌觸爲緣所生諸受世
尊身界不生則非身界觸界身識界及身觸
身觸爲緣所生諸受不生則非觸界乃至身

觸為緣所生諸受所以者何身界與不生無
二無二分觸界乃至身觸為緣所生諸受與
不生無二無二分何以故以不生法非一非
二非多非異是故身界不生則非身界觸界
乃至身觸為緣所生諸受不生則非觸界乃

洪十

十九

至身觸為緣所生諸受世尊眼界不生則非
眼界法界意識界及意觸意觸為緣所生諸
受不生則非法界乃至意觸為緣所生諸受
所以者何眼界與不生無二無二分法界乃
至意觸為緣所生諸受與不生無二無二分

何以故以不生法非一非二非多非異是故
意界不生則非意界法界乃至意觸爲緣所
生諸受不生則非法界乃至意觸爲緣所生
諸受世尊地界不生則非地界水火風空識
界不生則非水火風空識界所以者何地界
與不生無二分水火風空識界與不生
無二無二分何以故以不生法非一非二非
多非異是故地界不生則非地界水火風空
識界不生則非水火風空識界世尊苦聖諦
不生則非苦聖諦集滅道聖諦不生則非集

滅道聖諦所以者何苦聖諦與不生無二無
二分集滅道聖諦與不生無二無二分何以
故以不生法非一非二非多非異是故苦聖
諦不生則非苦聖諦集滅道聖諦不生則非
集滅道聖諦世尊無明不生則非無明行識
名色六處觸受愛取有生老死愁歎苦憂惱
不生則非行乃至老死愁歎苦憂惱所以者
何無明與不生無二無二分行乃至老死愁
歎苦憂惱與不生無二無二分何以故以不
生法非一非二非多非異是故無明不生則

非無明行乃至老死愁歎苦憂惱不生則非
行乃至老死愁歎苦憂惱世尊內空不生則
非內空外空內外空空空大空勝義空有爲
空無爲空畢竟空無際空散空無變異空本
性空自相空共相空一切法空不可得空無

洪十

二十

性空自性空無性自性空不生則非外空乃
至無性自性空所以者何內空與不生無二
無二分外空乃至無性自性空與不生無二
無二分何以故以不生法非一非二非多非
異是故內空不生則非內空外空乃至無性

自性空不生則非外空乃至無性自性空

大般若波羅蜜多經卷第七十

